

# All India Radio, Sambalpur

## SAMBALPURI NEWS BULLETIN

18 December 2017- 8.17pm.

\*\*\*\*\*

### ମୁଖ୍ୟ ଖବର

୧- ଜନଜାତି ଓଡ଼ିଆ ଖେଳାଳୀମାନେ ବିଶ୍ୱସ୍ତରନେ ଗୌରବ ଆନିଛନ୍ ବଲି କହେଲେ ମୁଖ୍ୟମନ୍ତ୍ରୀ ।

୨- ଗୁଜରାଟ୍ ଆଉ ହିମାଚଲ୍ ପ୍ରଦେଶ୍ ବିଧାନସଭା ନିର୍ବାଚନ୍ଥି ବିଜେପିର ସଫଳତା ।

ଆଉର

୩- କଟକ୍ ବାରବାଟୀ ନ ଟି-ଟ୍ରେଡିଂ କ୍ରିକେଟ୍ ଖେଲ ଲାଗି ଭାରତ୍ ଆଉ ଶ୍ରୀଲଙ୍କା ଦଲ୍ ପୁହୁଟିଲେ ଭୁବନେଶ୍ୱର ।

ଜନଜାତି କ୍ରୀଡ଼ା ପ୍ରତିଯୋଗିତା

RNU/SBP

ଜନଜାତି କ୍ରୀଡ଼ାବିତ୍ମାନେ ବିଶ୍ୱସ୍ତର ନ ଓଡ଼ିଶାର ଲାଗି ଗୌରବ୍ ଆନ୍ବେ ବଲି ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ କହିଛନ୍ । ଆଏକ୍ ଭୁବନେଶ୍ୱର ନ ଜନଜାତି କ୍ରୀଡ଼ା ପ୍ରତିଯୋଗିତା- ୨୦୧୭କେ ଉଦ୍ଘାଟନ୍ କରିକରି ମୁଖ୍ୟମନ୍ତ୍ରୀ କହିଛନ୍ ଯେ, ଜନଜାତି ମାନକର ଭିତ୍ରେ ଅସାଧାରଣ୍ କ୍ରୀଡ଼ା ପ୍ରତିଭା ରହିଛେ, ଯେନ୍ଟାକି ସେମାନକର ସଂସ୍କୃତି ଆଉ ଜୀବନ୍ଧାରାଥ୍ ଭିଲ୍ ଦେଖ୍ବାରକେ ମିଲ୍ସି । ଓଡ଼ିଆ

ଖେଳାଳୀମାନେ ହକି, ଡୀରହାକ୍, ଆଥଲେଟିକ୍ସ ବାଗିର  
ଖେଳୁ ବହୁତ ଭଲ କରୁଛନ୍ । ହକି ଜାତୀୟ ଦଲ୍ ଅଫ୍ ଓଡ଼ିଶାକୁ  
ବହୁତ ଖେଳାଳୀ କେମ୍ପେଟେନ୍ ଭିଲ୍ ହେଇପାରିଛନ୍ । ଇ  
ପ୍ରତିଯୋଗିତା ଲାଗି ଆମର ଜନଜାତି କ୍ରୀଡ଼ାବିତ୍ମାନଙ୍କର  
ପ୍ରତିଭାର ବିକାଶ ହେବାର ସହେତେ ସେମାନେ ଜାତୀୟ  
ଆଉ ଆନ୍ତର୍ଜାତୀୟ ସ୍ତରରେ ଓଡ଼ିଶା ଆଉ ଭାରତ ଲାଗି  
ଗୌରବ ଆନିପାର୍ବେ ବଳି ମୁଖ୍ୟମନ୍ତ୍ରୀ କହିଛନ୍ । ଇନ  
ଜନେଇ ଦିଆଯାଇପାରେ ଯେ ଜନଜାତି ସଂପ୍ରଦାୟମାନଙ୍କର  
ଭିତରେ ଥିବାର କ୍ରୀଡ଼ା ପ୍ରତିଭାର ଅନ୍ୱେଷଣ, ବିକାଶ  
ସହେତେ କିଛି ପାରମ୍ପରିକ୍ କ୍ରୀଡ଼ାର ପ୍ରସାର ଲାଗି ଇ  
ପ୍ରତିଯୋଗିତା ମୁଲ୍ କରାଯାଇଛେ । ଫି ଜିଲ୍ଲାରେ ପୁରସ୍କାର  
ଆକାର୍ଥ୍ ୩ ଲାଖ୍ ୨୧ ହଜାର୍ ୨ଶହ ଟଙ୍କା ଦିଆଯିବା ।  
୩୦ ଟା ଜିଲ୍ଲାରେ ମୋଟ୍ ୧ କୁଟି ୮ ଲାଖ୍ ୩୨ ହଜାର୍ ଟଙ୍କା  
ପୁରସ୍କାର୍ ଆକାର୍ନେ ଦିଆଯିବା । ସେନ୍ତା ରାଜ୍ୟସ୍ତରୀୟ  
ସମ୍ପ୍ରଦାୟ ୫ଲାଖ୍ ୫୫ହଜାର୍ ୨୦୦ ଟଙ୍କା ପୁରସ୍କାର୍  
ଆକାର୍ନେ ଦିଆଯିବା ।

ସର୍ବିଫୁଲ-୨୦୧୭

RNU/SBP

ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ଆଏଜ୍ ଭୁବ୍ନେଶ୍ୱର ଆଦିବାସୀ ପଢ଼ିଆନେ ସର୍ବିଫୁଲ-୨୦୧୭ କେ ଉଦ୍‌ଘାଟନ କରିଛନ୍ ।

ଇ ଅବ୍‌ସରେ ଉଦ୍‌ବୋଧନ୍ ଦେଇକରି ମୁଖ୍ୟମନ୍ତ୍ରୀ କହିଛନ୍ ଯେ, ଶିକ୍ଷା ହେଉଛେ ବିକାଶର ସବୁନୁ ବଡ଼ ମନ୍ତ୍ର । ଶିକ୍ଷା ଜରିଆଥୁ ସାମାଜିକ୍ ଆଉ ଅର୍ଥନୈତିକ୍ ବିକାଶ ଜଲ୍‌ଦି ହେସି । ଅନୁସୂଚିତ ଜାତି ଆଉ ଜନଜାତି ଛୁଆମାନକର୍ ଭିତ୍ରେ ଶିକ୍ଷାର୍ ବିକାଶ୍ ଲାଗି ରାଜ୍ୟ ସରକାର୍ ୨୦ ଲାଖ୍‌ନୁ ଅଏଡକା ଛୁଆକୁ ଛାତ୍ରବୃତି ଦେଉଛନ୍ । ଅନୁସୂଚିତ ଜାତି ଆଉ ଜନଜାତି ଛୁଆମାନେ ଯେନ୍ତା ଜାତୀୟ ସ୍ତରଥୁ ଭଲ୍ ଶିକ୍ଷାନୁଷ୍ଠାନ୍ ନ ଉଚ୍‌ଶିକ୍ଷା ଲାଭ କରିପାର୍‌ବେ, ସେଥୁର୍ଲାଗି ସରକାର୍ ସେମାନକୁ ସବୁ ସାହାଜ୍ ଯୁଗେଇ ଦେବେ ବଲି ମୁଖ୍ୟମନ୍ତ୍ରୀ କହିଥିଲେ । ଇ ଅବ୍‌ସରେ ୨୦୧୭ ମେଟ୍ରିକ୍ ପରୀକ୍ଷାଥୁ ଭଲ୍ କରିଥୁବା ଛାତ୍ରଛାତ୍ରୀମାନକୁ ମୁଖ୍ୟମନ୍ତ୍ରୀ ସମ୍‌ର୍ଦ୍ଧିତ୍ କରିଥିଲେ ।

ଗୁଜୁରାଟ୍ ନିର୍ବାଚନ୍

RNU/SBP

ଗୁଜୁରାଟ୍ ଆଉ ହିମାଚଲ୍ ପ୍ରଦେଶ୍ ବିଧାନସଭା ନିର୍ବାଚନ୍‌ଥୁ ଭାରତୀୟ ଜନତା ପାର୍ଟିକେ ସଫଳତା ମିଲିଛେ । ହିମାଚଲ୍

ପ୍ରଦେଶର ୬୮ ଆସନ ବିଶିଷ୍ଟ ବିଧାନସଭାକୁ ବିଜେପି ୪୪ ଆସନ ପାଇକରି ସଂଖ୍ୟା ଗରିଷ୍ଠତା ହାସଲ କରିଥିବାର ବେଳେ, ଗୁଜୁରାଟ୍ ନ ୧୮୨ ଟା ଆସନ ନୁ ୯୯ ଟା ଆସନ ଥି ସଫଳତା ପାଇକରି ସରକାର ଗଠନ କରବାର ଲାଗି ପ୍ରସ୍ତୁତି ମୁଲ୍ କରିଛେ । ଗଲା ୨୨ ବଛର୍ ଧରିକରି ବିଜେପି ଗୁଜୁରାଟ୍ ନ ଶାସନ କରି ଆସୁଛେ ଆଉ ଗଲା ବିଧାନସଭାକୁ ବିଜେପି ୧୧୫ ଟା ଆସନ ହାସଲ କରିଥିଲା ।

ଖେଲ୍- କ୍ରିକେଟ୍

RNU/SBP

ଆଏବା ବୁଧୁବାର ଦିନ କଟକ୍ ବାରବାଟୀ ଷ୍ଟାଡ଼ିୟମ୍ ନ ଭାରତ୍- ଶ୍ରୀଲଙ୍କା ଭିତ୍ରେ ହେବାରକେ ଥିବା ଦିନକିଆ ଟି-୧୯୦ଟି କ୍ରିକେଟ୍ ମେଚ୍ ଭାର୍ ନେବାର ଲାଗି ଦୁହି ଦଲର୍ ଖେଲାଲି ଆଏଜ୍ ଭୁବ୍ନେଶ୍ୱର୍ ନ ପୁହୁଁଚିଛନ୍ । ଆଏବା କାଏଲ୍ ଦୁହି ଦଲ୍ ବାରବାଟୀ ଷ୍ଟାଡ଼ିୟମ୍ ନ ଅଭ୍ୟାସ୍ କରବେ । ଜନ ଜନେଇ ଦିଆଯାଇପାରେ ଯେ, ଭାରତୀୟ ଦଲ୍ ଟେଷ୍ଟ ଆଉ ଦିନକିଆ ମେଚ୍ ଶ୍ରୀଲଙ୍କାକେ ହରେଇକରି ମଜ୍ବୁତ୍ ସ୍ଥିତିଥି ଅଛେ ।

୨୦୦୫ ଜାନୁଆରୀ ପହେଲା ନୁ ରାଜ୍ୟ ସରକାରଙ୍କର ତରଫୁ  
ନିଯୁକ୍ତି ଦିଆଯାଇଥିବା ସରକାରୀ କର୍ମଚାରୀଙ୍କୁ ପୂରା  
ପେନ୍ସନ୍ ଦିଆଯିବା । ଇ ବାବଦେ ଅର୍ଥ ବିଭାଗ ତରଫୁ  
ଗୁଟେ ବିଜ୍ଞପ୍ତି ବାହାରିଛେ । ବିଜ୍ଞପ୍ତି କୁହାଯାଇଛେ ଯେ,  
୨୦୦୫ ଜାନୁଆରୀ ୧ ତାରିଖ ଉତ୍ତରୁ ଯେନ  
କର୍ମଚାରୀମାନେ ନିଯୁକ୍ତି ପାଇଥିବେ ସେମାନେ ଆଘର  
ବାଗିର ଅବସରକାଳୀନ ପେନ୍ସନ୍ ଆଉ ମୃତ୍ୟୁକାଳୀନ ଭତା  
ପାଏବେ । ରାଜ୍ୟ ସରକାରଙ୍କର ଇ ନିଷ୍ପତି ଲାଗି ପାଖାପାଖି  
ଲାଖେ କର୍ମଚାରୀ ଲାଭ ପାଇପାରବେ ।